

PARTNERIAETH

Cylchgrawn

Rhifyn y Gwanwyn, 2017

Gwneud ein Gwasanaethau yn Addas ar gyfer y Genhedlaeth Nesaf



Cynghori, Annog a Hybu



Panel Cynghori



Adroddiad Blynnyddol



Archwilydd Cyffredinol Cymru



Cynnal Adolygiadau



Cydweithio



Comisiynydd Cenedlaethau'r Dyfodol



Adroddiad Cenedlaethau'r Dyfodol



Adroddiad Tueddiadau'r Dyfodol



Integreiddio



Cynnwys



Hirdymor



Gwneud Argymhellion



Dangosyddion a Cherrig Milltir Cenedlaethol



Atal



Byrddau Gwasanaethau Cyhoeddus



Ymchwil




Ymateb i Gomisiynydd Cenedlaethau'r Dyfodol



Datblygu Cynaliadwy



Egwyddor Datblygu Cynaliadwy



Tryloywder



Dyletswydd Llesiant



Nodau Llesiant



Datganiad Llesiant



GIG
CYMRU
NHS
WALES

Partneriaeth
Cydwasaethau
Shared Services
Partnership

Tudalen Gynnwys

- 04** Y Gwasanaethau Gofal Sylfaenol yn Cadw eu Safon Rhagoriaeth Gwasanaeth Cwsmeriaid
- 05** Tîm PCGC yn Arwain Cynhadledd 'Dysgu Wedi'i Alluogi gan Dechnoleg' Lwyddiannus
- 06** Diwrnod Agored i Staff yn Nhŷ Matrix, Abertawe
- 07** Gwneud ein Gwasanaethau yn Addas ar gyfer y Genhedlaeth Nesaf
- 08** Gwneud ein Gwasanaethau yn Addas ar gyfer y Genhedlaeth Nesaf, Dylunio ein Nodau
- 10** Bagiau Anafiadau Niferus yn Barod!
- 12** Tîm Cynghori Gofal Meddygol Sylfaenol yn Cael ei Drosglwyddo i PCGC
- 13** Storfeydd Rhanbarthol Pen-y-bont yn cadw eu safon Ragoriaeth mewn Diogelwch Bwyd
- 13** Y Tîm Caffael yn Cyflwyno System Dun a Bradstreet
- 14** Y Gwasanaeth Cludwyr Iechyd yn Cyflwyno'r Dechnoleg Ddiweddaraf er mwyn Cynorthwyo Logisteg
- 16** PCGC yn y Gymuned: Grŵp 'Ffrindiau Primrose Park'
- 17** Fflyd Cadwyn Gyflenwi PCGC yn Barod Amdani
- 18** PCGC – y Gwasanaethau Caffael – Yswiriant Fflyd Moduron
- 20** PCGC: Canfyddiadau allweddol o Arolwg Staff GIG Cymru
- 21** Cytundeb Newydd dros Gymru Gyfan ar gyfer Cyflenwi Cadeiriau Olwyn

1 Gwrando a Dysgu



2 Gweithio gyda'n Gilydd



3 Cymryd Cyfrifoldeb



4 Arloesi



Gwerthoedd Craidd PCGC

Cydwasanaethau – Ychwanegu Gwerth Trwy Bartneriaeth

Croeso i “Mewn Partneriaeth”, y Cylchgrawn i’n Staff, Byrddau Iechyd ac Ymddiriedolaethau

Bwriad y cyhoeddiad hwn yw amlygu rhai o’r llwyddiannau diweddar y mae Partneriaeth Cydwasaethau GIG Cymru (PCGC) wedi eu cyflwyno ar ran Byrddau Iechyd ac Ymddiriedolaethau GIG ledled Cymru.

Yn gynharach eleni, aeth yr Uwch-dîm Rheoli i gyfarfod â Sophie Howe, Comisiynydd Cenedlaethau’r Dyfodol Cymru, ac yn ddiweddar, cymerodd ein huwch-reolwyr ran mewn gweithdy i drafod a datblygu nodau llesiant ar gyfer PCGC, er mwyn cydymffurfio â’r gofyniad i greu datganiad llesiant, a gallwch ddarllen am y pynciau a drafodwyd ar dudalennau 7-9.

Mae rhifyn y gwanwyn hefyd yn rhoi sylw i brosiect cydweithredol a arweiniwyd gan dîm Caffael PCGC a thîm y Gwasanaeth Cludwyr Iechyd. Maen nhw wedi bod yn cydweithio’n agos ag Ymddiriedolaeth Gwasanaethau Ambiwlans Cymru er mwyn creu nifer o “fagiau anafiadau niferus” i’w defnyddio os bydd sefyllfa o anafiadau niferus yn codi. Mae’r prosiect wedi dangos cydweithio gwyb rhwng PCGC, Llywodraeth Cymru ac Ymddiriedolaeth Gwasanaethau Ambiwlans Cymru.

Rwyf hefyd yn falch o adrodd bod yr isadran Gwasanaethau Gofal Sylfaenol wedi cwblhau ei hasesiad deuddydd blynyddol ar gyfer y Safon Rhagoriaeth Gwasanaeth Cwsmeriaid ym mis Chwefror 2017. Hefyd, dyfarnwyd y tîm â gwobr ‘cydymffurfio a mwy,’ mewn tri o’r dosbarthiadau asesu, sy’n dangos bod eu harferion a’u hymddygiad yn mynd y tu hwnt i’r gofynion arferol ar gyfer y wobwr hon.

Ein gweithlu yw ein hased fwyaf ac, yn y rhifyn hwn, byddwn rhoi sylw i ganlyniadau Arolwg Staff GIG Cymru a ddosbarthwyd i weithwyr y GIG yn 2016. Mae’r canfyddiadau’n dangos bod PCGC wedi gwella ym mwyafrif y meysydd, a gallwch weld crynodeb o’r canlyniadau ar dudalen 20.

I orffen, cynhaliodd y tîm Dysgu Wedi’i Alluogi gan Dechnoleg (TEL) gynhadledd genedlaethol i’r sector cyhoeddus yn Stadiwm Dinas Caerdydd, a daeth dros 100 o gynrychiolwyr o GIG Cymru, Awdurdodau Lleol, y Gwasanaeth Tân a Llywodraeth Leol. Nod y diwrnod oedd arddangos y cydweithio e-ddysgu sy’n digwydd ar raddfa fawr yng Nghymru, yn y GIG, Awdurdodau Lleol a’r trydydd sector. Cafodd sail defnyddwyr llwyfan ar-lein elarning@wales ei arddangos i’r cynrychiolwyr, gan iddo dyfu i fod yn llwyddiant mawr, gyda dros 230,000 o ddefnyddwyr - a rhagor o gyfleoedd cydweithio cyffrous ar y gweill yn 2017.



Gobeithiaf y byddwch yn mwynhau darllen y rhifyn hwn, ac os oes gennych unrhyw awgrymiadau ar gyfer erthyglau, cysylltwch â’r tîm Cyfathrebu.

Rhif ffôn: 01443 848585

Cyfeiriad e-bost: Darren.Davies@wales.nhs.uk

**Neil Frow,
Rheolwr Gyfarwyddwr**

Am fwy o wybodaeth, dilynwch ni ar twitter:

 @nwssp

Y Gwasanaethau Gofal Sylfaenol yn Cadw eu Safon Rhagoriaeth Gwasanaeth Cwsmeriaid

CUSTOMER
SERVICE
EXCELLENCE



Cyfarwyddwr y Gwasanaethau Gofal Sylfaenol,
Dave Hopkins

Llwyddodd y Gwasanaethau Gofal Sylfaenol i gwblhau eu hasesiad deuddydd blynyddol ar gyfer y Safon Rhagoriaeth Gwasanaeth Cwsmeriaid ar 9 a 10 Chwefror 2017.

Yn amodol ar gadarnhad gan y corff dyfarnu, bydd y Gwasanaethau'n cadw eu gwobr safon ERC, ac maent bellach yn cydymffurfio'n llawn â phob un o'r 57 dosbarth asesu.

Dyfarnwyd y Gwasanaethau â'r safon 'Cydymffurfio a Mwy' mewn 3 dosbarth asesu, sy'n dangos bod eu hymddygiad a/neu eu harferion yn mynd y tu hwnt i ofynion y safon ac yn cael eu dyfarnu yn eithriadol – naill ai o fewn y sefydliad neu yn y byd cyhoeddus ehangach.

Roedd y meysydd allweddol a alluogodd y Gwasanaethau Gofal Sylfaenol i ddangos safon 'cydymffurfio a mwy' yn cynnwys:

- Cofnodion meddygol cleifion – storio a sganio ar alw
- Rhaglen hyfforddi 'Taith o'r Radd Flaenaf' y Gwasanaethau
- Trefniadau grwpiau ffocws staff a phwyntiau gweithredu.

Sylfaenol, Dywedodd Cyfarwyddwr y Gwasanaethau Gofal Sylfaenol, Dave Hopkins:

"Hoffwn estyn diolch, yn bersonol ac ar ran fy nhîm rheoli a'r asesydd i'r holl staff am eu cymorth a'u brwdfrydedd parhaus, sydd wedi gweithredu fel galluogwr wrth ganiatáu i ni gyflawni cydnabyddiaeth 'cydymffurfio a mwy'.

Hoffwn ddiolch yn arbennig i'r aelodau staff a deithiodd i Bont-y-pŵl er mwyn cynrychioli timau Gogledd Cymru ac Abertawe. Cafodd yr asesydd ei blesio'n fawr gan frwdfrydedd ac ymroddiad yr holl staff, ond rhaid rhoi cydnabyddiaeth arbennig i'r cynrychiolwyr o Ogledd Cymru, sef Cathy Salisbury, Clare Barwise a Sian Parry, a atgyfnerthodd ein hymroddiad i ddarparu gwasanaethau cenedlaethol gan annog a meithrin diwylliant agored a thryloyw lle mae gwaith tîm a chydweithio yn allweddol"

"I orffen, hoffwn ddiolch i'r tîm Ymgysylltu a Datblygu am eu holl waith, sydd wedi ein galluogi i gynnal y safon a sicrhau bod yr asesiad yn llwyddiant."

Tîm PCGC yn Arwain Cynhadledd 'Dysgu Wedi'i Alluogi gan Dechnoleg' Lwyddiannus

Ar 25 Ionawr 2017 cynhaliodd tim Dysgu wedi'i Alluogi gan Dechnoleg PCGC gynhadledd i'r sector cyhoeddus yn Stadiwm Dinas Caerdydd. Daeth bron i 100 o gynrychiolwyr i'r gynhadledd, o GIG Cymru, Awdurdodau Lleol, y Gwasanaeth Tân a Llywodraeth Leol. Nod y diwrnod oedd arddangos y cydweithio e-ddysgu eang sy'n digwydd ledled Cymru yn y GIG, Awdurdodau Lleol a'r trydydd sector.

Un o'r elfennau allweddol a drafodwyd yn y digwyddiad oedd yr estyniadau parhaus i lwyfan ar-lein elearning@wales, a luniwyd gan y tîm Dysgu wedi'i Alluogi gan Dechnoleg, a dyma yw'r porth dysgu cenedlaethol ar gyfer anghenion hyfforddi gorfodol, statudol ac eraill.

Cafodd llwyfan ar-lein elearning@wales ei ddangos i'r cynrychiolwyr yn y gynhadledd, gan ei fod wedi dod yn llwyddiant mawr gyda dros 230,000 o ddefnyddwyr – a chyfleodd cydweithio cyffrous eraill ar y gweill yn 2017.

Ymhlith prif siaradwyr y diwrnod oedd Donald Clark o'r cwmni annibynnol Plan B, a Genny Dixon o'r sefydliad Towards Maturity, a siaradodd am ddeallusrwydd artiffisial a chanlyniadau ymarfer meincnodi dysgu a datblygu cenedlaethol.

Hefyd, siaradodd Dirprwy-gyfarwyddwr Rhaglen y Cofnod Staff Electronig am daith e-ddysgu yng Nghymru, a ddangosodd faint oedd pethau wedi datblygu yn y 2 flynedd ddiwethaf.

Caffod ail ran y diwrnod ei rannu yn weithdai a bwysleisiodd feysydd penodol wrth fudo'r Cofnod Staff Electronig ar gyfer arweinwyr dysgu a datblygu, a sesiynau ymylol penodol ar gyfer sefydliadau sy'n cymryd rhan yn y mudo. Cafodd y digwyddiad ei gloi gan Paul Schanzer, Cadeirydd Bwrdd Rheoli Gwasanaeth Dysgu wedi'i Alluogi gan Dechnoleg ac Academi Cymru, a roddodd ganmoliaeth i waith caled pawb a fu ynghlwm â'r rhaglen e-ddysgu hyd yma.

Dywedodd Julie Rogers, Rheolwr y Rhaglen Dysgu Wedi'i Alluogi gan Dechnoleg:

"Roedd yn ddiwrnod cyffrous dros ben, a chyflawnwyd llawer mewn cyfnod gweddol fyr. Edrychaf ymlaen at rannu rhagor o ddatblygiadau yn ein cynhadledd nesaf ym mis Medi eleni".

Oeddech chi'n gwybod?

- Mae dros **300 o gyrsiau** ar gael ar elearning@wales
- Mae nifer y defnyddwyr wedi cynyddu o **500** y mis yn 2014 i 20,000 o ddefnyddwyr yn 2016
- Mae desg gymorth TEL yn ymdrin â **2,500** o alwadau gan ddefnyddwyr bob mis
- Mae bron i **1 miliwn** o gofnodion wedi cael eu trosglwyddo o learning@wales ar gyfer gweithwyr y GIG, a'u hychwanegu ar y CSE
- Erbyn mis Mawrth 2017, bydd GIG Cymru i gyd wedi symud i'r **llwyfan e-ddysgu CSE**. Dyma lwyddiant anferth a'r tro cyntaf iddo ddigwydd yng Nghymru!

Donna Harris o'r Tim TEL



Cysylltwch â'r tîm

E-bost: elarning@wales.nhs.uk
Ffôn: 01443 848636

Diwrnod Agored i Staff yn Nhŷ Matrix yn Abertawe



Tŷ Matrix, Parc Anturiaeth Abertawe

Ar 8 Mawrth 2017, cynhaliwyd Diwrnod Agored i staff PCGC ar gyfer swyddfa ranbarthol newydd posibl ar gyfer y De-orllewin, yn Nhŷ Matrix, sydd wedi ei leoli yn y Parc Anturiaeth yn Abertawe.

Cynhaliwyd y Diwrnod Agored er mwyn rhoi gwybodaeth i staff i'w paratoi ar gyfer symud o'u lleoliad presennol yng Nghanolfan Oldway yn Abertawe i'w lleoliad newydd yn Nhŷ Matrix. Darparodd hyn gyfle gwych i weithwyr weld eu lleoliad newydd ac i ofyn cwestiynau.

Roedd y staff oedd yn bresennol ar y diwrnod yn cynnwys rhai o'r Gwasanaethau Cyflogaeth, Gwasanaethau Gofal Sylfaenol, Gwasanaethau Archwilio a Sicrwydd a'r Gwasanaethau Corfforaethol /Cymorth Busnes.

Roedd yr adborth gan staff yn gadarnhaol iawn, a dywedodd nifer ohonynt eu bod yn edrych ymlaen at symud ac at weithio yn yr adeilad newydd, mewn amgylchedd modern.

Y Rheolwr Prosiect, Glyn Thomas:

"Rhoddodd y diwrnod gyfle i staff ddarganfod rhai o fuddion gwych Tŷ Matrix, gan gynnwys ei leoliad a'i gyfleusterau ynghyd ag adeilad modern sy'n cyd-fynd â gweledigaeth PCGC o ddod yn sefydliad o ansawdd byd-eang".



Rheolwr Prosiect Tŷ Matrix, Glyn Thomas, yn dangos y swyddfa newydd i'r staff



Mae'r Swyddog Cymorth Busnes, Phil Byfield, yn rhoi ei sêl bendith i Dŷ Matrix!



Gweithwyr y Gwasanaethau Gofal Sylfaenol Lloyd Dawkins a Janine Mann yn mwynhau Tŷ Matrix



Rhai o'r golygfeydd gwych sydd gan staff o ail a thrydydd llawr Tŷ Matrix

Gwneud ein Gwasanaethau yn Addas ar gyfer y Genhedlaeth Nesaf

Ar 26 Ionawr 2017, aeth yr Uwch-dîm Rheoli PCGC â Sophie Howe, Comisiynydd Cenedlaethau'r Dyfodol Cymru a drafododd sut gall PCGC gynorthwyo wrth wella llesiant cymdeithasol, economaidd, amgylcheddol a diwylliannol Cymru er mwyn cydymffurfio â Deddf Llesiant Cenedlaethau'r Dyfodol (Cymru) 2015 a ddaeth yn gyfraith ym mis Ebrill 2015.

Rôl Comisiynydd Cenedlaethau'r Dyfodol yw gweithredu fel gwarcheidwad ar gyfer buddiannau cenedlaethau'r dyfodol yng Nghymru, er mwyn cynorthwyo cyrff cyhoeddus i weithio tuag at gyflawni nodau llesiant a monitro cynnydd wrth gyflawni'r nodau.

Mae'r Ddeddf yn nodi bod angen i'r holl gyrff cyhoeddus yng Nghymru sicrhau, wrth wneud penderfyniadau, eu bod yn ystyried yr effaith y gallant ei chael ar bobl sy'n byw yng Nghymru yn y dyfodol.

Bydd yn disgwyl iddynt wneud y canlynol:

- Gweithio'n well gyda'i gilydd
- Cynnwys pobl sy'n adlewyrchu amrywiaeth ein cymunedau
- Edrych ar y tymor hir, yn ogystal â chanolbwyntio ar y presennol
- Gweithredu i geisio atal problemau rhag gwaethgu – neu eu stopio rhag digwydd yn y lle cyntaf.

Bydd yn gwneud i gyrff cyhoeddus a restrir yn y Ddeddf feddl mwy am y tymor hir, gweithio'n well gyda phobl, cymunedau a'i gilydd, ceisio atal problemau a mabwysiadu dull cydgysylltiedig. Bydd hyn yn ein helpu i greu Cymru y byddwn ni i gyd eisiau byw ynddi, heddiw ac yn y dyfodol.

Dyweddodd Sophie Howe:

"Mae'n bwysig bod sefydliadau'r sector cyhoeddus yn trafod yr heriau sy'n wynebu Cymru, gan gynnwys newid hinsawdd, newidiadau economaidd a fydd yn effeithio ar gynllunio'r gweithlu; a newidiadau yn y boblogaeth gan gynnwys poblogaeth sy'n heneiddio a sgiliau'r genhedlaeth iau. Mae'n bwysig bod sefydliadau'n mabwysiadu model addas ar gyfer y dyfodol, sy'n sicrhau eu bod yn ystyried y weledigaeth tymor hir ar gyfer llesiant economaidd, cymdeithasol, amgylcheddol a diwylliannol y cymunedau mae'n eu gwasanaethu".



Sophie Howe, Comisiynydd Cenedlaethau'r Dyfodol Cymru

Dyweddodd Rheolwr Gyfarwyddwr PCGC, Neil Frow:

"Mae'r Cydwasanaethau yn ymwybodol o'u rhwymedigaeth dan y Ddeddf i feddl am y tymor hir, i gryfhau ac i wella partneriaethau gwaith, ac i gyfathrebu â phartneriaid mewn modd effeithiol er mwyn gweithio mewn partneriaeth i atal problemau a mabwysiadu dull mwy cydgysylltiedig o gyflwyno gwasanaethau.

Rydym wedi ymgorffori'r egwyddor datblygu cynaliadwy i'n proses gynllunio Integredig Tymor Canolig. Mae ein Gwasanaethau Caffael yn cydweithio'n agos â'r Gwasanaeth Caffael Cenedlaethol ar fframweithiau caffael cynaliadwy er mwyn sicrhau "buddion cymunedol", gan gynnwys cynlluniau prentisiaeth, ac rydym yn gweithio gyda Llywodraeth Cymru i harneisio ein pŵer prynu i helpu cynorthwyo busnesau yng Nghymru".

Am ragor o wybodaeth, ewch i:

<http://gov.wales/topics/people-and-communities/people/future-generations-act/?lang=en>

Future
Generations
Commissioner
for Wales


Comisiynydd
Cenedlaethau'r
Dyfodol
Cymru

Gwneud ein Gwasanaethau yn Addas ar gyfer y Genhedlaeth Nesaf – Dylunio ein Nodau

Ar ôl y cyfarfod â'r Comisiynydd ar 9 Mawrth 2017, cymerodd uwch-reolwyr PCGC ran mewn gweithdy yn yr Hwb Gwyddorau Bywyd, Caerdydd, er mwyn trafod a datblygu nodau llesiant ar gyfer PCGC, er mwyn cydymffurfio â'r gofyniad i greu datganiad llesiant a nodau llesiant dan Ddeddf Llesiant Cenedlaethau'r Dyfodol 2015.

Mae PCGC yn cynorthwyo GIG Cymru trwy greu sefydliad cydwasanaethau penodedig gyda hunaniaeth benodol, sy'n cynorthwyo cyrff statudol GIG Cymru trwy ddarparu ystod gynhwysfawr o swyddogaethau a gwasanaethau cymorth o ansawdd uchel sy'n canolbwyntio ar y cwsmer.

Er mwyn sicrhau ein bod ni i gyd yn gweithio tuag at yr un weledigaeth, mae'r ddeddf yn gosod saith nod llesiant:



Bydd hyn yn ein helpu i greu Cymru yr ydym i gyd eisiau byw ynddi, heddiw ac yn y dyfodol.



Jacqui Mauger (Y Gwasanaethau Corfforaethol) yn rhoi trosolwg o'r diwrnod a dyletswyddau PCGC

Hefyd, mae'r Ddeddf yn gosod dyletswydd ar gyrff cyhoeddus i ystyried 5 ffordd allweddol o weithio (isod):

- Hirdymor**
 Pwysigrwydd sicrhau cydbwysedd rhwng anghenion tymor byr a'r angen am ddiogelu'r gallu i ddiwallu anghenion tymor hir hefyd.
- Atal**
 Sut gall gweithredu i atal problemau rhag digwydd neu waethygu helpu cyrrff cyhoeddus i gyflawni eu hamcanion.
- Integreiddio**
 Ystyried sut gall amcanion llesiant y corff cyhoeddus effeithio ar bob un o'r nodau llesiant, ar bob un o'u hamcanion eraill, neu ar amcanion cyrrff cyhoeddus eraill.
- Cydweithio**
 Gallai cydweithredu ag unrhyw berson arall (neu wahanol adrannau yn y corff ei hun) helpu'r corff i fodloni ei amcanion llesiant.
- Cynnwys**
 Pwysigrwydd cynnwys pobl sydd â diddordeb mewn cyflawni'r nodau llesiant, a sicrhau bod y bobl hynny'n adlewyrchu amrywiaeth yr ardal maent yn ei gwasanaethu.

Gweithdy 1

Roedd y gweithdy'n gofyn i gynrychiolwyr fapio amcanion strategol a nodau trosfawol PCGC yn erbyn y 7 nod llesiant, a gofynnwyd iddynt ddatblygu nodau llesiant penodol er mwyn amlinellu ymroddiad PCGC i gyfrannu at gyflawni nodau'r Ddeddf.

Roedd y gweithdy'n cynnwys enghreifftiau astudiaeth achos o sut rydym yn integreiddio'r angen i ystyried nodau'r Ddeddf eisoes, gan gynnwys ein prosesau caffael cynaliadwy sy'n cynnwys gofynion allweddol i ystyried ffordd gynaliadwy a chyfrifol o gael ffynonellau a chyflenwi nwyddau; sut mae'r prosesau rheoli prosiect ar gyfer pob prosiect yn ystyried gofynion y Ddeddf, sut mae'r broses gynllunio corfforaethol yn integreiddio'r Ddeddf i asesiadau effaith ar gyfer gwneud penderfyniadau allweddol a sut mae ein Gwasanaethau Ystadau Arbenigol yn sicrhau bod yr egwyddor datblygu cynaliadwy yn cael ei hymgorffori i'w gwaith.

Gwneud ein Gwasanaethau yn Addas ar gyfer y Genhedlaeth Nesaf – Dylunio ein Nodau

Roedd yr ail weithdy'n gofyn i gynrychiolwyr amlygu nodau llesiant posibl a ddyluniwyd er mwyn cynyddu ein cyfraniad tuag at gyflawni pob un o'r nodau llesiant.

Ysgogodd y sesiwn lawer o drafodaethau diddorol, ac roedd rhai o'r prif drafodaethau yn cynnwys yr anghenion canlynol:

- Cynllunio gweithlu a chadw staff mewn ffordd gynaliadwy trwy fodolau cyflwyno arloesol
- Cyflwyno atebion beiddgar i'r heriau amgylcheddol a achosir gan ein gweithgareddau
- Dangos parch at dreftadaeth ddiwylliannol amrywiol y Gymru fodern
- Gweithio mewn partneriaeth â GIG Cymru a'r sector cyhoeddus ehangach.

Dywedodd Jacqui Maunder Pennaeth Gwasanaethau Corfforaethol PCGC:

"Roedd y gweithdy wedi galluogi uwch-reolwyr i fod â rhan uniongyrchol wrth osod nodau llesiant a fydd yn sicrhau bod PCGC yn ymddwyn mewn ffordd a fydd yn ceisio sicrhau bod anghenion y presennol yn cael eu bodloni, ond gan ystyried effaith ein penderfyniadau busnes ar y bobl a fydd yn byw yng Nghymru yn y dyfodol".

Roedd yr adborth o'r grŵp a hwyluswyd gan Glyn Thomas, y Rheolwr Prosiect, yn cynnwys Paul Thomas, Jonathan Webb, James Goddard a Sharon Jones yn cynnwys y canlynol:

"Mae'n glir ein bod yn helpu i gyflawni'r nodau llesiant, a gallwn weld bod angen i ni weithio gyda chyrff cyhoeddus eraill, wrth i ni symud ymlaen ar ein taith tuag at fod yn sefydliad o safon fyd-eang".

Ilwyfan yn seiliedig ar dystiolaeth, a bydd hyn yn sail i greu datganiad llesiant a nodau llesiant ar gyfer PCGC. Pan fydd hyn yn ei le, bydd angen i ni fonitro perfformiad yn erbyn y nodau, a rhoi diweddariadau cynnydd blynyddol trwy ein proses o greu Cynllun Integredig Tymor Canolig.

Gweithdy 2

Gwelodd sesiynau'r prynhawn y timau yn datblygu eu nodau llesiant eu hunain, ac ystyried sut y mae'r rhain yn integreiddio â nodau'r Ddeddf.



O'r chwith: Dave Hopkins (Gwasanaethau Gofal Sylfaenol), Keir Warner (Gwasanaethau Caffael), Neil Jenkins (GGS) a Rheolwr Gyfarwyddwr PCGC, Neil Frow

Sesiynau gweithdy'r bore ar waith. Y timau'n mapio nodau strategol PCGC yn erbyn nodau'r Ddeddf.



O'r chwith: Kelly Skene (Gwasanaethau Cyflogaeth), Clare Primett (Gwasanaethau Cyfreithiol a Risg), Paul Thomas (Gwasanaethau Cyflogaeth) a Martin Cooper

Am ragor o wybodaeth, cysylltwch â:

Roxann Davies, Swyddog Cydymffurfio

E-bost: roxann.davies@wales.nhs.uk

Bagiau Anafiadau Niferus yn Barod!



Bagiau Anafiadau Niferus wedi'u pacio ac yn barod i fynd

Cydweithio rhwng Gwasanaethau Caffael PCGC ac Ymddiriedolaeth Gwasanaethau Ambiwylans Cymru yn rhoi gwasanaeth newydd ar waith

Dywedodd Graham Davies, Dirprwy Gyfarwyddwr y Gwasanaethau Caffael a Chludo Iechyd:

"Mae'r prosiect wedi dangos cydweithio gwych, nid yn unig rhwng PCGC, Llywodraeth Cymru ac Ymddiriedolaeth Gwasanaethau Ambiwylans Cymru, ond o fewn Gwasanaethau Caffael a Chludo Iechyd PCGC."

Yn ddiweddar, mae Gwasanaethau Caffael a Chludo Iechyd PCGC wedi bod yn cydweithio'n agos ag Ymddiriedolaeth Gwasanaethau Ambiwylans Cymru er mwyn paratoi nifer o "fagiau anafiadau niferus" i'w defnyddio os bydd achos o anafiadau niferus yn codi rywbyrd.

Mae bagiau anafiadau niferus yn cynnwys eitemau bagiau ymateb parafeddygol sylfaenol, gydag eitemau ychwanegol fel coleri, sblintiau, pecynnau gwaedlif difrifol a blancedi. Bydd y bagiau'n cael eu cadw mewn sawl lleoliad ledled Cymru, a bydd cerbydau'n cael eu rhyddhau gan yr Ymddiriedolaeth er mwyn dosbarthu'r offer os bydd angen.

Mae comisiynu'r cerbydau a'r gwasanaeth cysylltiedig yn cynrychioli bron i ddwy flynedd o gydweithio, gyda'r cyllid cychwynnol a pharhaus yn cael ei ddarparu gan Lywodraeth Cymru.

Gan edrych at y dyfodol, bydd PCGC yn sicrhau bod y bagiau anafiadau niferus wedi'u cyflenwi bob amser, a bod popeth yn addas i'w defnyddio, ac yn barod ar gyfer eu dosbarthu'n syth. Bydd y gwasanaeth hwn yn cael ei darparu ar y cyd rhwng adrannau Cadwyn Gyflenwi Caffael a Gwasanaethau Cludo Iechyd PCGC.



Cerbyd Uned Cymorth Digwyddiadau'r Ymddiriedolaeth, a fydd yn cael ei ddefnyddio er mwyn dosbarthu'r bagiau

Dangosodd y prosiect yr ystod lawn o wasanaethau a phrosesau sydd eu hangen er mwyn cwblhau tasgau o'r fath, gan fod timau o'r Adran gyfan wedi cyfrannu er mwyn sicrhau bod y cynnyrch ar y diwedd yn cael ei gyflwyno cyn gynted â phosibl."

Bagiau Anafiadau Niferus yn Barod!



Pwyntiau Allweddol

- I ddechrau, cafodd y timau ffynhonnell (wedi'u goruchwyllo gan Alex Curley) a'r tîm Caffael Lleol yn yr Ymddiriedolaeth, (Julie Lewis), yr holl gynnyrch ar gyfer yr elfennau gwahanol o gytundebau neu amcangyfrif prisio
- Rhoddodd dîm Gogledd Cymru'r Gwasanaethau Cludo Iechyd, (Maryam Rana), yr holl archebion di-stoc ar y system
- Archebodd tîm Caffael Lleol Felindre, (Jayne McCafferty), yr archebion di-stoc
- Tîm y Gadwyn Gyflenwi – Storfeydd Pen-y-bont, a archebodd, dewisodd a phaciodd yr holl eitemau stoc
- Tîm y Gadwyn Gyflenwi – Storfeydd Pen-y-bont, (Jon Cunningham ac Andrew Watt), a baciodd y cannoedd o fagiau

- Y tîm Cyfrifon Taladwy a dalodd yr holl anfonebau
- Y Gwasanaethau Cludo Iechyd a'r Gadwyn Gyflenwi a fydd yn monitro cynnwys y bagiau yn barhaus.

Ar ddiwedd y prosiect, dywedodd Patrick Rees, y Rheolwr Cyd-nerthu Rhanbarthol/ Swyddog Cyswllt Rhwng Asiantaethau Cenedlaethol yn Ymddiriedolaeth Gwasanaethau Ambiwlans Cymru:

"Diolch yn fawr iawn i dimau Gwasanaethau Cludo Iechyd a Chaffael PCGC am ddod â ni at y fan hon. Mae eich cymorth a'ch ymdrechion yn cael eu gwerthfawrogi'n fawr. Mae hyn yn cynrychioli ehangu sylweddol yng ngallu GIG Cymru i ymateb i ddigwyddiad o anafiadau niferus, ac mae'n adlewyrchu'r bygythiadau y mae angen i ni baratoi ar eu cyfer".

Oeddech chi'n gwybod?

Yn 2015-2016, llwyddodd y Gwasanaethau Caffael i wneud y canlynol:

Dros **£20 miliwn** o arbedion Caffael

Prosesu dros 652,000 o archebion, â chyfanswm o **£932 miliwn**

Prosesu **1.4 miliwn** o anfonebau

Ennill y wobwr Rhagoriaeth Gwasanaeth Cwsmeriaid unwaith eto



Jon Cunningham ac Andrew Watt o Storfeydd Pen-y-Bont yn llwytho cawell yn llawn Bagiau Anafiadau Niferus

Y Tîm Cyngori Gofal Meddygol Sylfaenol yn Trosglwyddo i PCGC

Trosglwyddodd y Tîm Cyngori Gofal Meddygol Sylfaenol i PCGC ar ddechrau mis Ionawr 2017. Mae'r tîm wedi ei leoli ym Mamhilad, Pont-y-pŵl, ac maent yn dîm bach o feddygon teulu sydd â phrofiad mewn addysg, arfarnu, gwella ansawdd, iechyd cyhoeddus a/neu rolau GIG eraill, yn ogystal â phrofiad o weithio mewn ymarfer clinigol cyffredinol, ac, yn wreiddiol, roeddent yn rhan o Iechyd Cyhoeddus Cymru (ICC).

Beth yw gwaith y Tîm Cyngori?

Perfformiad Meddygon Teulu

- Rhoi cyngor i Fyrddau Iechyd ynghylch pryderon am berfformiad meddygon teulu
- Ymchwilio i feddygon teulu neu feddygfeydd lle mae pryderon penodol
- Rhoi cyngor ar lywodraethiant clinigol mewn meddygfeydd teulu
- Adolygu canolwyr ar gyfer ceisiadau i Restr Cyflawnwyr Meddygon Teulu Cymru.

Cytundebau Meddygon Teulu

- Cyngori Byrddau Iechyd, PCGC a Llywodraeth Cymru ynghylch materion clinigol ac yn ymwneud â chytundebau
- Adolygu a chynghori ar fanylebau Gwasanaeth Ychwanegol gan gynnwys cymeradwyo ymarfer ac achredu ymarferwyr
- Cyngori ar faterion uniondeb.

Cymorth Meddygon Teulu

- Rhoi cyngor i feddygon teulu ar faterion clinigol, llywodraethu, rheoli a pherfformiad
- Cyfrannu at y ddarpariaeth datblygiad proffesiynol parhaus
- Hwyluso datblygu cynlluniau gweithredu.

Iechyd Cyhoeddus

- Cyngori timau ac arweinwyr Iechyd Cyhoeddus Cymru ynghylch materion gofal meddygol sylfaenol
- Cyngori ar gyflwyno negeseuon a rhaglenni iechyd cyhoeddus trwy ofal sylfaenol
- Cynorthwyo 1000 o Fwydau a Mwy a mentrau gwella ansawdd eraill.

Cefndir

Fel rhan o adolygiad o'r sefydliad, cynigiodd ICC nifer o newidiadau i'r trefniadau cymorth llywodraethu i Fyrddau Iechyd. Awgrymodd yr adolygiad y dylid ystyried trosglwyddo swyddogaethau ymchwilio gofal meddygol sylfaenol o ICC i Fyrddau Iechyd neu i PCGC, trwy drosglwyddo adnoddau priodol.

Trafodwyd yr adolygiad gan Gyfarwyddwyr Cymru Gyfan ar gyfer Iechyd Sylfaenol, Cymunedol ac Iechyd Meddwl a chynrychiolwyr o Lywodraeth Cymru yn eu cyfarfod ar 15 Gorffennaf 2016, a phenderfynwyd y dylid trosglwyddo'r Gwasanaeth i PCGC.

Roedd y Cyfarwyddwyr Meddygol Cynorthwyol yn cefnogi'r trosglwyddo i PCGC hefyd. Yn ogystal, mae'n amlwg bod y sector gofal sylfaenol yn awyddus i archwilio'r cymorth ychwanegol y gall PCGC ei gynnig i glystyrau meddygon teulu.

Mae gan PCGC gysylltiadau cryf â'r Tîm Cyngori eisoes, gan ddefnyddio cymorth ar gyfer materion yn ymwneud â'r Rhestr Cyflawnwyr a Gwirio Ôl-dalu, ymysg eraill.

Rhagor o wybodaeth

Alexia Saunders

Rheolwr Cymorth,
Busnes Llawr Cyntaf,
Tŷ Cwmbrân Ystad Parc Mamhilad
Pont-y-pŵl
Gwent
NP4 0YP

E-Bost: alexia.saunders@wales.nhs.uk

Ffon: 01495 332216



Storfeydd Rhanbarthol Pen-y-bont yn cadw eu safon Rhagoriaeth mewn Diogelwch Bwyd

Mae Cadwyn Gyflenwi'r Gwasanaethau Caffael, Storfeydd Pen-y-bont, wedi llwyddo i gadw eu hachrediad Diogelwch Bwyd yn eu harchwiliad diweddar ar 6 Rhagfyr 2016. Yn ogystal, ni chodwyd unrhyw achosion o ddiffyg cydymffurfio na chatau unioni yn erbyn y safon. Mae Archwiliad Diogelwch Bwyd STS yn sicrhau bod y cyfleuster Storfeydd Rhanbarthol yn bodloni'r safonau sydd eu hangen er mwyn cyflenwi'r GIG yng Nghymru.

Mae'r achrediad yn cwmpasu elfennau sylfaenol hylendid bwyd ar gyfer pobl risg isel sy'n trin bwyd ac mae'n cynnwys y risgiau a'r cyfrifoldebau sydd ynghlwm â thrin bwyd, hylendid personol, gofal tŷ, heintio a phrosesau ansawdd. Mae angen i Storfeydd Rhanbarthol y Gadwyn Gyflenwi gynhyrchu a chydymffurfio â dogfen dadansoddi peryglon a phwyntiau rheoli hanfodol (HACCP) er mwyn rhoi tystiolaeth o ddull ataliol systematig o ddiogelwch bwyd, sy'n mynd i'r afael â phob math o beryglon fel ffordd o atal, yn hytrach nag archwilio'r cynnyrch terfynol. Gwneir yr archwiliad yn flynyddol ym mhob storfa ranbarthol ym Mhen-y-bont, Cwmbrân a Dinbych yng Ngogledd Cymru.



Y Tîm Caffael yn Cyflwyno'r System Dun & Bradstreet

dun & bradstreet

Fel rhan o'r rheoli cytundebau parhaus, mae tîm Anfeddygol y Gwasanaethau Caffael wedi dechrau ychwanegu cyflenwyr i'r system Dun & Bradstreet er mwyn monitro perfformiad ariannol y cyflenwyr dan gytundeb yn rheolaidd. Mae'n mynd at adroddiad sy'n benodol ar gyfer PCGC sy'n amlygu perfformiad ariannol y cyflenwyr, ac unrhyw newidiadau yn statws ariannol y cyflenwyr.

Mae monitro perfformiad ariannol cyflenwyr yn rheolaidd yn gallu helpu wrth amlygu unrhyw beryglon posibl a all effeithio ar gyflenwi nwyddau a gwasanaethau i GIG Cymru, gan alluogi amser i ymchwilio a chymryd camau unioni o flaen llaw os oes angen, a bydd yn offeryn defnyddiol wrth fonitro perfformiad y cyflenwyr.



Y Gwasanaeth Cludo Iechyd yn Cyflwyno'r Dechnoleg Ddiweddaraf er mwyn Cynorthwyo Logisteg



Mae'r broses o foderneiddio'r Gwasanaeth Cludo Iechyd wedi hen ddechrau, gan gychwyn treialu a dosbarthu System Feddalwedd Amserlennu 'Cleric' i'r Gwasanaeth Cludo Iechyd (GCI) ledled Cymru.

Bydd cyflwyno'r system a dyfeisiau llaw yn dileu'r angen am lyfyrnau archwilio dyddiad mewn cerbydau (ac eithrio Cerbydau Nwyddau Mawr), llyfrau trosglwyddo a phapurau anfon wedi'u harwyddo yn y GCI.

Amcan y prosiect yw cyflwyno 'Cleric' trwy dechnoleg â llaw i'r GCI, er mwyn galluogi cofnodi data a dilyn trywydd eitemau sy'n cael eu cludo.

Bydd y prosiect yn ceisio defnyddio systemau a thechnoleg a fydd yn ymestyn y gwasanaeth cludo, gwella'r profiad o'r gwasanaeth a darparu mwy o allu archwilio ar gyfer y GCI a defnyddwyr y gwasanaeth ledled y wlad.

Mae'r GCI yn ymdrin â miloedd o eitemau bob dydd, ac nid oes diwrnod yn pasio heb i GCI orfod ymateb i ymholiadau ynghylch amser dosbarthu neu drosglwyddo eitem.

Yn hanesyddol, roedd y GCI yn dioddef o ddiffyg data i gynorthwyo'r hyn roedden nhw'n ei wneud, ac roedden nhw'n dibynnu ar ddogfennau papur i roi tystiolaeth o gludo eitemau, gan ddefnyddio llyfrau/ffurflenni trosglwyddo, gyda phawb yn ymarfer mewn ffordd wahanol ledled Cymru.



Yn ogystal, bydd y system newydd yn galluogi'r GCI i gofnodi data am eu perfformiad yn y meysydd canlynol:

- Yr amser y mae patholeg glinigol yn y broses o gael ei symud ar eu cerbydau
- Yr amser a gollir mewn manau casglu wrth godi eitemau (er mwyn rhoi tystiolaeth o adegau pan fydd y GCI yn dilyn yr amserlen, ond yn profi oedi sy'n effeithio ar eu teithiau)
- Perfformiad yn erbyn amseroedd cyrraedd a gynlluniwyd ar gyfer gollwng eitemau
- Tystiolaeth o 'Drosglwyddo' ar gyfer yr eitemau y mae'r GCI yn eu cludo, gan gynnwys patholeg, fferylliaeth, cyffuriau a reolir, adrannau wedi'u rhewi, patholeg y ffotws ac ati

Y Gwasanaeth Cludo Iechyd yn Cyflwyno'r Dechnoleg Ddiweddaraf er mwyn Cynorthwyo Logisteg



Dyfeisiau Llaw



Er mwyn cyflwyno'r dechnoleg hon, mae angen i GCI sicrhau bod cyflwyno a phrofi'r ddyfais mor syml â phosibl, a bod ei swyddogaethau i ddefnyddwyr yn hawdd i'w defnyddio ac yn cyd-fynd ag arferion gwaith presennol.

Mae'n cael ei brofi'n lleol ar hyn o bryd, er mwyn symleiddio nifer y botymau a rhyngweithiau'r ddyfais ar gyfer staff a chwsmeriaid, er mwyn paratoi ar gyfer profion gweithredol ac adborth.

Bydd y cyflwyno cychwynnol yn profi'r ddyfais ac yn rhoi cyfle i bobl amlygu meysydd lle, fel unigolion, y mae GCI yn profi materion o ddydd i ddydd sy'n achosi pryderon neu anawsterau i'w swydd o ddydd i ddydd.

Jerry ID	Time	From/To	Type	Esc	Time	Notes
565	Out	HCS	Llandough Hosp, Main Pharmacy, Penarth	TRANS	16:27	Jn Pn
	14:20		Llandough Hosp, Hafan Y Coed Pharmacy, Penarth	TRANS	16:44	
	Out	HCS	Erw Delyn, Penarth	TRANS	16:38	Jn Pn
566	14:25		Llandough Hosp, Mail Room, Penarth	TRANS	16:44	
	Out	HCS	Ashgrove School, Mail Room, Penarth	TRANS	16:33	Jn Pn
567	14:30		Llandough Hosp, Mail Room, Penarth	TRANS	16:44	
	Out	HCS	Docks Office, Barry	TRANS	16:03	Jn Pn
568	15:00		Llandough Hosp, Mail Room, Penarth	TRANS	16:44	
	Out	HCS	Amy Evans Centre, Barry	SPECI	15:47	Jn Pn
569			Llandough Hosp, Main Pathology, Penarth	TRANS	16:44	
			Llandough St, Barry	SPECI	15:49	Jn Pn
570			Llandough Hosp, Main Pathology, Penarth	TRANS	16:44	
571			Llandough Hosp, Main Pathology, Penarth	TRANS	15:54	Jn Pn
572			Llandough Hosp, Main Pathology, Penarth	TRANS	16:44	

Y System Amserlennu Cleric newydd, a fydd yn helpu i waredu'r angen am lyfrynnau archwilio dyddiol ar gyfer cerbydau'r GCI.

PCGC yn y Gymuned: Ffrindiau Grŵp Primrose Park

Ers degawdau, roedd Primrose Park yn ganolbwynt i fywydau pobl Llansamlet, ger Abertawe, De Cymru.

Ond, yn araf bach, gadawyd iddo ddechrau dirywio, tan y llynedd, pan ddywedodd y cyngor, oedd mewn trafferthion ariannol nad oedd arian i'w gynnal, a gofynnodd i'r gymuned leol sefydlu grŵp 'Ffrindiau' i helpu'r parc.

Penderfynodd Sandra Pirmohamed, sy'n rhan o dîm Cyflogres PCGC yng Nghanolfan Oldway, Abertawe, gymryd rhan ar ôl gweld nad oedd ei mab yn gallu mwynhau'r parc fel gwnaeth hi pan oedd yn blentyn. Penderfynodd Sandra a grŵp o bobl leol ddod at ei gilydd i sefydlu Grŵp Ffrindiau Primrose Park i geisio achub y parc, a gwnaed cais am wobr o £25,000 gan Gronfa Gymunedol Aviva. Enillodd y grŵp yr arian, ar ôl cael eu hysbysu ym mis Ionawr eleni.

Dywedodd Sandra:

"Rydym wrth ein boddau i fod yn un o'r enillwyr, ac roeddem ni'n rhyfeddu ac yn gyffro i gyd i glywed y newyddion. Roedd cymaint o gystadleuwyr teilwng, doedden ni ddim yn disgwyl ennill o gwbl".

"Helpodd busnesau lleol ni trwy ddangos posteri a thaflenni yn annog pobl i bleidleisio, gan gynnwys 2 siop trin gwallt leol, siop gyfleus, a'r swyddfa bost leol. Hefyd, helpodd tîm Cyfathrebu PCGC trwy weithgarwch cyfryngau cymdeithasol rhyfeddol. Rydym eisiau estyn diolch i bob un ohonoch, a phawb a bleidleisiodd drosom ar-lein. Mae hyn yn llwyddiant gwych i Grŵp Ffrindiau Primrose Park".



Rhai o ffrindiau Primrose Park, o'r chwith: Diane Johnson, Les Johnson, Hilary Jenkins and Sam Harvard

Gellir gwneud nifer o welliannau i'r parc gyda'r arian a roddwyd i'r grŵp gan AVIVA, fel esboniodd Sandra:

"Mae angen newidiadau i'r parc chwarae yn syth, gan nad oes modd ei ddefnyddio ar adegau, yn bennaf oherwydd problemau draenio a phroblemau mynediad i'r ardal chwarae. Trwy weithio gyda chymorth ac ymroddiad Cyngor Abertawe, gobeithiwn y byddant yn mynd i'r afael â'r broblem. Nawr, mae angen i ni ddechrau cynllunio'r ffordd ymlaen er mwyn cyflawni'r gwelliannau hyn ar gyfer Primrose Park a'r gymuned".

Y Camau Nesaf

Cam nesaf y prosiect fydd dylunio a gosod ardal i deuluoedd, gyda mynediad i bobl anabl, gosod gwelyau synhwyrau wedi'u codi, plannu blodau, meinciau picnic, atgyweirio wal garreg y fynedfa, ychwanegu darnau ychwanegol o offer

chwarae, a gosod llawr addas, fel bod modd i bawb ddefnyddio'r ardal.

Sandra: *"Mae angen i ni weld pa mor bell fydd y wobr yn mynd, a beth allwn ei wneud. Rydym eisiau i bobl gymryd rhan a byddwn yn bwrw ymlaen gyda'r gweithgareddau er mwyn annog y gymuned ehangach i gymryd rhan."*

Mae'r ymateb i ennill gwobr cronfa gymuned Aviva wedi bod yn gadarnhaol dros ben, ac mae nifer o bobl wedi cynnig ein helpu ar ein tudalen Facebook".

Mae pethau'n edrych yn obeithiol i Primrose Park. Dywedodd Sandra:

"Mae hyn wedi dechrau sawl cyfeillgarwch, a bydd yn annog mwy o bobl i ddefnyddio'r awyr agored, a fydd yn fuddiol i'w hiechyd. Gobeithiwn y bydd hyn yn ddechrau gwych i'n taith".

Fflyd Cadwyn Gyflenwi PCGC yn Barod i Fynd



Mae fflyd newydd o Gadwyn vehicles to Gyflenwi a fydd yn disodli'r lorïau gwyrdd presennol (ar y dde) rydych yn eu gweld ar ffyrdd Cymru fel arfer, ar y gweill yn fuan iawn.

Ar ôl proses dendro ddwys a thrylwy, dewiswyd Dawson Rentals fel y darparwr cerbydau ar gyfer y fflyd mewn dau o warysau Gwasanaethau Caffael PCGC; yn Ninbych yng ngogledd Cymru ac ym Mhen-y-bont yn ne Cymru.

Dywedodd Mike Burns, Rheolwr Rhanbarthol Cadwyn Gyflenwi PCGC:

"Pan ddechreuodd y broses dendro, roeddem ni'n chwilio am gyflenwr a fyddai'n deall ein hanghenion ac yn darparu fflyd o gerbydau sy'n hyrwyddo diogelwch cerbydau, yn ogystal â'n helpu i gyflwyno effeithlondebau amgylcheddol a lleihau costau trafndiaeth".

Aeth cynrychiolwyr o Storfeydd Dinbych a Phen-y-bont ar ymweliad i "Lawrence David Limited" fel rhan o'r broses archwilio derfynol ar gyfer y cerbydau newydd.

Mae Lawrence David Limited yn un o brif weithgynhyrchwyr ôl-gerbydau a faniau bocs y DU, ac maent yn gwasanaethu Tesco, Sainsbury's a chlodwyr mawr eraill yn y DU.

Cafodd Lawrence David Limited eu comisiynu gan Dawson Rentals i adeiladu Corff y blwch ac offer cysylltiedig i'w roi ar siasi Mercedes Atego ar gyfer y cerbydau newydd.



Y fflyd lorïau bresennol sydd ar fin cael eu disodli



Gordon Darroch a Mark Walsh



Y tîm yn archwilio'r cerbydau



Y cerbydau newydd yn barod i fynd

Gordon Darroch (Rheolwr Shift, Trafnidiaeth, Storfeydd Dinbych) a Mark Walsh (Rheolwr Shift, Trafnidiaeth, Storfeydd Pen-y-bont), eu plesio'n fawr gan sut roedd Lawrence David Limited yn gweithredu, a chawsant eu synnu i weld pa mor amrywiol oedd y bocsys cerbyd a'r ôl-gerbydau oedd yn cael eu hadeiladu.

Ar ôl taith o gwmpas safle Lawrence David Limited, roedd y tîm yn awyddus i frw ati'n syth i archwilio holl agweddau'r cerbydau newydd. Cawsant eu plesio'n fawr gan ddyluniad y codwr hydrolegol ar y cefn a'u nodweddion diogelwch.

Cwblhaodd Mark Daley, Rheolwr Trafnidiaeth y Gwasanaethau Cludo Iechyd, archwiliad trylwyr iawn o'r cerbydau, gan ddilyn rhestr wirio hir i sicrhau bod y cerbydau wedi eu cwblhau yn ôl y fanyleb.

Mae Gordon Darroch a Mark Walsh wrth eu boddau â'r peiriannau ecogyfeillgar, gan mai dyma'r safon fwyaf effeithiol ar gyfer lleihau allyriadau wedi'u rheoleiddio. O gymharu â'r peiriannau presennol, gellir lleihau allyriadau nitrogen ocsid caniatol o 80%.

Yn ogystal, gellir lleihau 66% o allyriadau gronynnau huddygl cerbydau masnachol, o gymharu â'r cerbydau presennol. Dylai'r holl gerbydau fod ar y ffordd cyn diwedd Mawrth 2017, a bydd yn dangos bod PCGC yn parhau i fuddsoddi yn y cyfarpar mwyaf diweddar, gan alluogi ein gwasanaeth i gymharu â'r gorau yn y byd.




PCGC – y Gwasanaethau Caffael – Yswiriant Fflyd Moduron

Yn flaenorol, mae tim Ceir Prydles PCG, sydd wedi ei leoli yn Abertawe wedi rheoli proses adnewyddu yswiriant y fflyd moduron i nifer o Fyrddau Iechyd yn ne Cymru. Nod cael pwynt rheoli canoledig oedd cysoni dyddiadau terfyn polisiau, â'r bwriad o benodi un brocer ledled Cymru. Byddai'r rhaglen waith syml hon yn galluogi'r prosesau i wneud arbedion, trwy gysoni'r adnewyddu i un dasg flynyddol. O ganlyniad i'r twf yng nghylch gwaith y tîm Cyfleustodau a Thrafnidiaeth Anfeddygol, symudodd y cyfrifoldeb dros adnewyddu yswiriant Fflyd Moduron i Wasanaethau Caffael PCGC yn nhymor yr hydref 2016.

Dechreuodd y prosiect cyntaf ar gyfer caffael polisiau broceru ac yswiriant ym mis Hydref 2016, a chafodd ei gwblhau trwy'r Fframwaith Gwasanaeth Masnachol y Goron ar gyfer BIP Cwm Taf, Ymddiriedolaeth GIG Felindre, Iechyd Cyhoeddus Cymru a Bwrdd Iechyd Powys. Roedd hyn yn adeiladu ar y gwaith a gwblhawyd gan dîm Ceir Prydles PCGC.

Yn ddiweddar, cynhaliodd Gwasanaethau Caffael PCGC Gyfarfod Is-grŵp Yswiriant Fflyd Moduron ym Mhafiliwn Llywodraeth Cymru ar Faes Sioe Frenhinol Cymru, Llanfair-ym-Muallt. Roedd y cyfarfod yn cynnwys Rheolwyr Fflyd, staff o'r adran Gyllid a Chaffael, a Thîm Ceir Prydles PCGC.



Bwriad y cyfarfod hwn oedd:

- Cysoni dyddiadau terfyn polisiau'r Byrddau Iechyd ac Ymddiriedolaethau.
- Cyngori ar y cynllun tymor hir ar gyfer cynnal cystadleuaeth arall trwy'r Fframwaith Gwasanaeth Caffael Cenedlaethol ar gyfer penodi brocer.
- Cynorthwyo'r brocer a benodwyd wrth gynnal ymarferion caffael blynyddol er mwyn penodi darparwyr yswiriant i'r holl Fyrddau Iechyd ac Ymddiriedolaethau.
- Trafod rolau a chyfrifoldebau Cyfleustodau a Thrafnidiaeth Anfeddygol, adrannau Caffael Byrddau Iechyd ac Ymddiriedolaethau, staff Cyllid a Rheolwyr Fflyd o fewn y broses gaffael. Mae'r tasgau sy'n gysylltiedig â'r

broses gaffael yn cynnwys casglu rhestrau llawn o gerbydau a'r hanes hawlio sydd ei angen ar ddarparwyr yswiriant er mwyn datblygu cofrestr risgiau penodol a chyflwyno cais tendro.

Rolau a Chyfrifoldebau

O ganlyniad i'r nifer fawr o adrannau sy'n defnyddio cerbydau o fewn pob Bwrdd Iechyd ac Ymddiriedolaeth, mae'n hollbwysig bod yr ymgysylltu yn parhau trwy gydol y broses hon. Mae'n ofynnol i un cyswllt enwebedig o fewn pob Ymddiriedolaeth a Bwrdd Iechyd fod â chyfrifoldeb am gasglu'r holl wybodaeth ynghyd er mwyn sicrhau bod yr holl gerbydau'n cael eu cynnwys ar y rhestr a ddarperir i'r brocer cyn iddyn nhw benodi darparwr yswiriant ar gyfer y sefydliad perthnasol.



PCGC – y Gwasanaethau Caffael – Yswiriant Fflyd Moduron



Dyddiadau Terfyn Cydffiniol ar gyfer Polisiâu

Bydd y tîm Cyfleustodau a Thrafnidiaeth yn cynnal prosesau caffael trwy Fframwaith Yswiriant y Gwasanaeth Caffael Cenedlaethol ar gyfer gwasanaethau broceru a darparwyr yswiriant, gyda'r nod tymor hir o gysoni dyddiadau terfyn polisiâu.

Cynigiwyd y llinell amser ganlynol, fel arweiniad i'r ymarferion caffael a fydd yn cael eu dilyn trwy Fframwaith y Gwasanaeth Caffael Cenedlaethol, gyda'r nod o unioni dyddiadau terfyn polisiâu Byrddau Iechyd ac Ymddiriedolaethau:

Proses 1 Ebrill 2017 - Polisi 18 mis

BIP Aneurin Bevan a Gwasanaeth Gwaed Cymru

Proses 1 Hydref 2017 - Polisi 12 mis

BIP Cwm Taf, Ymddiriedolaeth GIG Felindre, Bwrdd Iechyd Addysgu Powys, Iechyd Cyhoeddus Cymru, BIP Abertawe Bro Morgannwg (cynnwys y Gwasanaeth Cludo Iechyd ar bolisi 11 mis)

Proses 1 Hydref 2018 – Hyd y polisi i'w gadarnhau


Yr holl Fyrddau Iechyd a restrir uchod, yn ogystal â BIP Betsi Cadwaladr a BIP Hywel Dda. ***Pob Bwrdd Iechyd/ Ymddiriedolaeth yng Nghymru ac eithrio Caerdydd a'r Fro ac Ymddiriedolaeth Gwasanaethau Ambiwylans Cymru** Bydd Yswiriant Fflyd hefyd yn ymddangos yn y Cyfarfod Grŵp Trafnidiaeth a Fflyd Cymru Gyfan sydd wedi'i drefnu ar gyfer 6 Ebrill 2017.

Os hoffech ddod i'r cyfarfod, cysylltwch â:

Enw: Daniel Gregory
E-bost: daniel.gregory@wales.nhs.uk
Ffôn: 02920903857

Cronfa Ddata Yswiriant Moduron

Mae risg sylweddol o gerbydau'n cael eu colli o'r yswiriant perthnasol, a all achosi cosbau ariannol sylweddol a niweidio enw da. Rhaid i gerbydau gael eu cynnwys yn y Gronfa Ddata Yswiriant Moduron, ar gyfer unrhyw gerbyd a fenthyciwyd neu a brynwyd.



Sylwer

Os ydych yn defnyddio eich car fel rhan o'ch swydd – am unrhyw reswm ac eithrio gyrru i un leoliad gwaith – bydd angen yswiriant car busnes arnoch. Fel arall, rydych mewn perygl o fod heb yswiriant os oes angen i chi hawlio.

PCGC: Canfyddiadau Allweddol o Arolwg Staff GIG Cymru

Canlyniadau arolwg staff PCGC

Roedd gan PCGC un o'r cyfraddau ymateb uchaf i Arolwg Staff GIG Cymru 2016 (57%). Dangosodd hyn ein bod ni, fel sefydliad cymharol newydd, yn parhau i wneud cynnydd cadarnhaol. Mae hyn yn newyddion arbennig o dda o feddwl faint o newidiadau y mae staff PCGC wedi eu gweld dros y ddwy flynedd diwethaf.

Mae ein canlyniadau'n dangos nifer o welliannau cadarnhaol o'u cymharu â'r arolwg blaenorol yn 2013. Mae'r rhain yn cynnwys:



- **Mae'r holl sgorau am reolwyr llinell ac uwch-reolwyr wedi gwella ers 2013, ac mae pob un sgôr, ac eithrio un, yn uwch na sgôr GIG Cymru ar y cyfan.**


Mae **84%** o staff yn dweud bod eu rheolwr llinell yn eu trin â pharch.

Mae **92%** o staff yn dweud eu bod yn gwybod pwy yw'r uwch-reolwyr yn eu sefydliad; mae mwyafrif y sgorau ar agwedd y staff tuag at newid wedi gwella ers 2013, hefyd, gyda **73%** o staff yn dweud eu bod yn gefnogol o'r angen am newid.

Mae'r sgorau dysgu a datblygu wedi cynyddu, ac mae nifer o newidiadau diddorol wedi bod i'r ddarpariaeth, gyda **86%** o staff bellach yn dweud eu bod wedi cymryd rhan mewn hyfforddiant e-ddysgu/ar-lein yn y 12 mis diwethaf, sydd wedi codi o sgôr o 68% yn 2013. Hefyd, nododd **80%** o staff eu bod wedi cael arfarniad/adolygiad perfformiad yn y 12 mis diwethaf, a gododd o **55%** yn 2013.

Mae'r sgorau mynegai ymgysylltu ar gyfer PCGC wedi gwella ers 2013 ym mhob un o'r tair thema sy'n gwneud y sgôr. Mae'r thema hon yn cynnwys cwestiynau ynghylch a fyddai'r staff yn argymhell y sefydliad fel lle i weithio; ac a fyddai staff yn teimlo'n falch o ddweud wrth bobl eu bod yn gweithio i'r sefydliad. Mae sgorau ymgysylltu PCGC yn uwch na sgôr GIG Cymru ar y cyfan mewn un thema – 'Gallu i gyfrannu at welliannau yn y gwaith'; yr un fath â sgôr GIG Cymru ar y cyfan mewn un thema – 'Eiriolaeth staff ac argymhell'.

Mae'r uwch-dîm rheoli a chynrychiolwyr undebau llafur o Fforwm Partneriaeth Cymru wedi derbyn adborth manwl ar y canlyniadau. Rhannwyd adroddiad ar y canlyniadau llawn â staff ac, yn awr, bydd swyddogaethau unigol yn archwilio eu canlyniadau eu hunain ymhellach er mwyn amlygu blaenoriaethau o ran meysydd gwelliant. Bydd gweithai lleol yn cael eu cynnal hefyd.



Cytundeb Newydd dros Gymru Gyfan ar gyfer Cyflenwi Cadeiriau Olwyn

Yn ddiweddar, dyfarnodd y Gwasanaethau Caffael gytundeb newydd ar gyfer cyflenwi cadeiriau olwyn, rhannau cysylltiedig ac ategolion, a gychwynnodd ar 1 Mawrth 2017, ac a fydd yn parhau am gyfnod o dair blynedd, gydag opsiwn i'w ymestyn am flwyddyn arall, sy'n golygu y gall y cytundeb barhau hyd nes mis Chwefror 2021.

Mae'r cytundeb, sydd â gwerth o tua £2 miliwn y flwyddyn, wedi cael ei ddyfarnu i un ar ddeg o gyflenwyr, ac mae'n cwmpasu ystod eang o eitemau, gan gynnwys cadeiriau olwyn â llaw a chadeiriau olwyn modur. Mae yna 26 o lotiau i gyd, sy'n cynnwys cadeiriau olwyn safonol a gweithredol i oedolion, a chadeiriau olwyn a bygis o sawl math i blant, er mwyn bodloni anghenion defnyddwyr gwasanaethau ledled Cymru.

Bydd y cytundeb hwn yn cael ei weithredu ochr yn ochr â'r cytundeb ar gyfer Gwasanaethau Adnewyddu Cadeiriau Olwyn a ddyfarnwyd gan y Gwasanaethau Caffael yn 2016, a gyda'i gilydd, maent yn cynorthwyo'r Gwasanaeth Ystum Corff a Symudedd y mae'r Gwasanaeth Aelodau Artiffisial a Chyfarpar yn ei ddarparu yng Nghymru.

Yn ogystal â'r ddau gytundeb hyn, ar hyn o bryd, mae'r Gwasanaethau Caffael yn gweithio gyda'r Gwasanaeth Ystum Corff a Symudedd er mwyn paratoi cytundeb ar gyfer cyflenwi clustogau sefydlog, rhai safonol a rhai wedi'u teilwra, a dyma'r tro cyntaf i un cytundeb ar gyfer Cymru gyfan gael ei arwyddo ar gyfer y categori cymhleth hwn. Ar hyn o bryd, mae tîm y prosiect, sy'n gyfrifol am y cytundeb, yn y cam datblygu manylebau, a disgwylir i gytundeb newydd gael ei ddyfarnu ar ddechrau 2018.

Am ragor o wybodaeth am y cytundebau hyn, cysylltwch â:

Nigel Williams
Rheolwr Categori
Nigel.williams@wales.nhs.uk



Wedi'i ddylunio a'i greu gan Dîm Dylunio
Graffeg PCGC

Os oes gennych unrhyw eitemau newyddion
i'w cynnwys yn "Mewn Partneriaeth",
cysylltwch â Nathan Williams, y Swyddog
e-Gyfathrebion

E-bost: Nathan.Williams@Wales.nhs.uk
Ffôn: 01443 848537